



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi: 18/18 – prečišćeni tekst i 30/20), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst i brojevi: 17/20 i 24/20) i Prijedloga odluke gradonačelnika Brčko distrikta BiH broj predmeta: 30-000084/22, broj akta: 01.1-1413EK-007/22 od 12. 5. 2022. godine, Skupština Brčko distrikta BiH, na 25. redovnoj sjednici održanoj 25. maja 2022. godine, donosi

ODLUKU O UTVRĐIVANJU JAVNOG INTERESA

Član 1

Utvrđuje se da je od javnog interesa za Brčko distrikt BiH izgradnja rezervoara za vodu kao dio vodovodne mreže i pripadajućih hidrotehničkih objekata za potrebe vodosnabdijevanja naselja Rašljani s prioritetom napajanja Osnovne škole na zemljištu označenom kao k. č. broj: 4/2 KO Rašljani, urbana područja „Rašljani“, „Maoča“, „Vujičići“ i „Skakava Gornja“, u Brčko distriktu BiH.

Član 2

Korisnik eksproprijacije nekretnina iz člana 1 ove odluke je Brčko distrikt BiH.

Član 3

Javni interes Brčko distrikta BiH iz člana 1 ove odluke utvrđuje se na osnovu Rješenja o lokacijskim uslovima s Grafičkim izvodom iz Prostornog plana Brčko distrikta BiH 2007–2017. godina urbana područja „Rašljani, Maoča, Vujičići i Skakava Gornja“ (Prilozi od 1 do 4) – namjena površina, broj: UP-I-22-001623/21 (broj akta: 06-1147EZ-006/21) od 5. 10. 2021. godine i Zaključka broj: UP-I-22-001623/21 (broj akta: 06-1147EZ-011/22) od 25. 4. 2022. godine.

Član 4

Ova odluka stupa na snagu danom donošenja i objavit će se u Službenom glasniku Brčko distrikta Bosne i Hercegovine.

Broj: 01-02-2458/22

Brčko, 25. 5. 2022. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za prostorno planiranje i imovinskopravne poslove
5. Odjeljenju za komunalne poslove
6. Sektoru za opće poslove i strateško planiranje
7. Arhivi